



BOSNA I HERCEGOVINA  
FEDERACIJA BOSNE I HERCEGOVINE  
Kanton Sarajevo  
Grad Sarajevo  
**OPĆINA CENTAR SARAJEVO**  
OPĆINSKI NAČELNIK

Na osnovu čl. 25. i 74. Statuta Općine Centar Sarajevo – prečišćen tekst (Službene novine Kantona Sarajevo“, broj 23/04) i člana 4. Pravilnika o načinu, postupku i kriterijima za dodjelu finansijskih sredstava udruženjima i fondacijama, broj: 01-14-2314/17 od 29.05.2017. godine, Općinski načelnik upućuje

## JAVNI POZIV

### Za finansiranje i sufinansiranje projekata udruženja i fondacija sredstvima Budžeta Općine Centar Sarajevo za 2017. godinu.

- Pravo prijave** u okviru registrovane djelatnosti odnosno programskih ciljeva imaju:
  - **udruženja i fondacije**  
(jedna organizacija može aplicirati sa jednim projektom)
- Uslovi** za korištenje sredstava budžeta Općine Centar Sarajevo:
  - da je projekat namijenjen građanima Općine Centar Sarajevo;**
  - da se projekat odnosi na slijedeće oblasti:**
    - **SOCIJALNA PITANJA**
      - Pomoć civilnim žrtvama rata: interventna medicinska rehabilitacija, psiho – socijalna pomoć, organizacija različitih programa edukacije žrtava, afirmacija i promocija osnovnih ljudskih prava, očuvanje sjećanja na žrtve rata;
      - Pomoć starim i socijalno ugroženim osobama: unapređenje uslova aktivnog življenja za osobe treće životne dobi, programi rehabilitacije i socijalne pomoći, edukativni, zdravstveni, kulturni programi i sl.
      - Pomoć djeci bez roditelja: projekti zdravstvene zaštite djece i socijalne pomoći, pomoć u procesu obrazovanja, osiguravanje poštivanja dječijih prava i ostali vidovi pomoći;
      - Psiho – socijalni programi - prevencija i pomoć u porodici i društvu: prevencija nasilja u porodici, maloljetničke delinkvencije i vršnjačkog nasilja;
    - **ZDRAVSTVO**
      - Pomoć osobama sa invaliditetom i posebnim potrebama: zaštita zdravlja i unapređenje kvalitete života, edukacije i kulturni programi u cilju socijalizacije, nabavka pomagala, prehrambenih i higijenskih artikala;
      - Pomoć oboljelim osobama, prevencija bolesti i očuvanje zdravlja: unapređenje zdravlja stanovništva, jačanje preventivne zdravstvene zaštite, podrška edukativnim programima iz oblasti prevencije zdravstvenih problema i zdravog načina života, podrška oboljelima i sl.);
      - Prevencija ovisnosti i svih oblika toksikomanija: podizanje svijesti o problemima ovisnosti, edukacija o štetnosti korištenja narkotika, rano otkrivanje rizičnog ponašanja djece i mladih, usvajanje zdravih stilova života, smanjenje rizičnih faktora i sl.
    - **OBRAZOVANJE**
      - Profesionalna orijentacija učenika (u odnosu na potrebe tržišta rada);
      - Neformalno obrazovanje, cjeloživotno učenje i projekti opismenjavanja stanovništva (doškoloavanje Roma i ostalih građana, prekvalifikacija i sl.);
      - Edukacija stanovništva iz oblasti informatike i stranih jezika;
      - Poboljšanje kvaliteta odgojno - obrazovnog rada (unapređenje nastavnog procesa, vannastavnim aktivnostima i projekti podrške inkluzivnog obrazovanja).
    - **KULTURA**
      - Programi koji podstiču stvaralaštvo u oblasti kulture: koncerti, pozorišne i filmske predstave, izložbe, književne, likovne i druge radionice;
      - Podrška u radu školskih sekcija: dramska, recitatorska, folklorna, plesna, likovna i dr.
      - Afirmacija tradicije i kulturno - historijskog naslijeđa BiH;

- Promocija nematerijalne kulturne baštine i umjetničkog stvaralaštva na području općine Centar Sarajevo: projekti edukacija o praksama, izrazima, znanjima, rukotvorinama i sl., promovisanje kulturne raznolikosti i ljudske kreativnosti, očuvanje i zaštita baštine i dr.
- **EKOLOGIJA**
- Projektne aktivnosti koje promovišu odgovoran odnos prema prirodi i unapređenju kvaliteta ljudskog života;
- Zaštita životne sredine i podizanje ekološke svijesti kroz ekološku edukaciju i aktivizam (uređenje, čišćenje, pošumljavanje, ozelenjavanje, takmičenja i edukacija).
- **RAZVOJ LOKALNE ZAJEDNICE**
- Projekti koji podstiču veće učešće građana u predlaganju i donošenju odluka na lokalnoj razini (promocija i jačanje svijesti o aktivnijem učešću građana u aktivnostima lokalne zajednice, razvoj i unapređenje mehanizma institucionalnih oblika participacije građana, unapređenje komunikacije lokalne uprave sa građanima, edukacija s ciljem poticaja na aktivizam i sl.);
- **PROMOCIJA DEMOKRATSKIH PRINCIPA**
- ravnopravnost spolova;
- jednakost i zaštita ljudskih prava, prava manjina i manjinskih grupa)
- **TRADICIONALNE MANIFESTACIJE KOJE PROMOVIRAJU OPĆINU**

**Ostali uslovi:**

- Da je organizacija dostavila narativni i finansijski izvještaj za prethodno dodijeljena sredstva od Općine;
- da udruženje – fondacija nisu ogranak bilo koje političke partije niti su uključene u bilo kakvu aktivnost u ime političke partije;
- da članovi rukovodstva udruženja - fondacije nisu istovremeno postavljeni ili izabrani na bilo kojoj rukovodećoj poziciji unutar političke partije;

**Prilikom izrade projekta udruženja i fondacije trebaju imati u vidu ograničena sredstva, te se predloženi budžet projekata treba kretati u rasponu od 1.500 do 10.000 KM.**

**3. Neće biti razmatrani projekti:**

- a) bazirani na investicionim ulaganjima, adaptaciji ili izgradnji objekata;
- b) koji se odnose na finansiranje rada udruženja;
- c) za koje je NVO dobila sredstva u ukupnom iznosu cijene projekta od drugog donatora;
- d) koji se odnose na jednokratne aktivnosti;
- e) koji nisu urađeni u skladu sa uputstvom i kriterijima;
- f) projekti sa nepotpunom dokumentacijom i dostavljeni izvan predviđenog roka.

**Dokumenti koji su obavezujući** (Uputstvo za aplikante, Kriteriji, Obrazac za prijavu projekta i izjave) možete naći na web-stranici: [www.centar.ba](http://www.centar.ba) ili lično preuzeti na Info-pultu u Općini Centar Sarajevo.

Prijava sa dokumentacijom podnosi se Službi za obrazovanje, kulturu i sport Općine Centar Sarajevo, putem pošte ili na protokol Općine Centar, ul. Mis Irbina br.1 Sarajevo, sa naznakom: **PROJEKTI NVO-a.**

**Nepotpuna i neblagovremena dokumentacija neće biti uzeta u razmatranje.**

Za sve informacije možete se obratiti na telefon 033/56 23 84

**Rok za podnošenje prijave je 7.07. 2017. godine**